



RAUMA KOMMUNE
Vollan 8A
6300 ÅNDALSNES

Saksbehandlar, innvalstelefon
Andreas Sandnes Granli, 71 25 84 27

Avslag på søknad om løyve til felling av skadegjerande jerv i Ulvådalen - Rauma kommune

Vi avslår søknad frå Rauma kommune om fellingsløyve på skadegjerande jerv i Ulvådalen. Statsforvaltaren har lagt særleg vekt på at området er jerveprioritert område i forvaltningsplanen, at det vart felt ein jerv i same fjellområde i nabokommunen 02.08.2021, og at det er dokumentert få tilfelle av jerveskade i området etter 02.08.2021.

Bakgrunn

Statsforvaltaren viser til søknad sendt på e-post frå Rauma kommune 05.08.2021. Kommunen søker på vegne av Ulvådalen sauesankelag om løyve til å felle ein skadegjerande jerv innafor beiteområdet til sauesankarlaget.

Søknaden er fremma på bakgrunn av tap til jerv gjennom beitesesongen, samt melding om funn av to ferske lammekadaver 04.08.21, desse er ikkje registrert i Rovbase pr. d.d. Tapa starta tidleg i år både i Rauma og i nabokommunen Fjord. Det er, i Rovbase, registrert fem lam tatt av jerv i juli. Kommunen og beitelaget meiner det framleis er ein pågåande skadesituasjon i området og at det er ein annan jerv, enn den som er felt i Steindalen, som står for desse skadane.

Juridisk grunnlag

Det rettslege grunnlaget for avgjerda er Lov av 19. juni 2009 nr. 100 om forvaltning av naturens mangfold § 18 andre ledd bokstav b) og § 77, jf. Forskrift 18. mars 2005 nr. 42 om forvaltning av rovvilt (rovviltforskrifta) § 13, jf. §§ 1 og 13.

Naturmangfaldlova § 18 (annet uttak av vilt og lakse- og innlandsfisk etter vurdering av myndighetene): «Kongen kan ved forskrift eller enkeltvedtak tillate uttak av vilt og lakse- og innlandsfisk (...) b) for å avverge skade på avling, husdyr, tamrein, skog, fisk, vann eller



anneneiendom, (...) Vedtak etter første ledd bokstav a til f kan bare treffes viss uttaket ikke truer bestandens overlevelse og formålet ikke kan nås på annen tilfredsstillende måte.(...)»

Roviltforskrifta § 9 (Fylkesmannen sin myndighet til å iverksette betinget skadefelling):

” Ved vurderingen av om det skal gis tillatelse til skadefelling skal det legges vekt på føringene i regional forvaltningsplan, jf. forskriften § 6. Felling kan bare gjennomføres dersom det ikke finnes annen tilfredsstillende løsning ut fra prinsippet om geografisk differensiert forvaltning. Det skal særlig tas hensyn til

- a. områdets betydning som beitemark*
- b. skadenes omfang og utvikling*
- c. potensialet for fremtidige skader*
- d. muligheten for å gjennomføre forebyggende tiltak*

Felling skal være rettet mot bestemte individer. Vedtak om felling skal være begrenset til et bestemt område, tidsrom og antall dyr. Det kan knyttes nærmere vilkår til fellingstillatelsen, herunder at bestemte typer dyr skal være unntatt, at felling skal foretas av nærmere bestemte personer, metoder for felling og utbetaling av fellingsvederlag og/eller dekning av påløpte utgifter med unntak av lønn mv. i forbindelse med felling. Felling og forsøk på felling i henhold til denne bestemmelsen gjennomføres uavhengig av grunneiers jaktrett, jf. viltloven § 35.”

Roviltnemnda i region 6 har i vedtak av 23. april d.å. fastsett ein kvote på 5 betinga skadefellingsløyve på jerv i region 6 (Trøndelag og Møre og Romsdal) frå 1.juni 2021 – 15. februar 2022. I vedtaket står det mellom anna følgjande om skadefelling av jerv: «*Bestanden ligger over bestandsmålet på 10 ynglinger per i dag (tre års gjennomsnittet er 17,3 ynglinger). Terskelen for å tillate felling av skadegjørende jerv skal være lav i prioriterte beiteområder og i kalvingsland for tamrein*»

Statsforvaltaren sin vurdering

Etter naturmangfaldlova § 5 er det eit mål at artane og deira genetiske mangfald skal bli ivarettatt på lang sikt og at artane skal kunne førekomme i levedyktige bestandar i sine naturlege utbreiingsområde. Tiltak etter naturmangfaldlova skal likevel vegast opp mot andre viktige samfunnsinteresser, jf. § 14. Naturmangfaldlova § 5 og prinsippet om geografisk differensiert forvaltning er konkretisert gjennom §§ 3 og 4 i roviltforskrifta og gjennom den regionale forvaltningsplanen for rovilt i region 6.

Etter roviltforliket punkt 2.2.19 skal soneinndelinga forvaltast tydeleg. Dette er klårgjort i brev av 28.april 2014 frå Klima- og miljøvernministeren til fylkesmennene og roviltnemndene og i brev av 21. mai 2014 frå Klima- og miljøverndepartementet (KLD) og Landbruks- og matdepartementet (LMD) til roviltnemndene, med kopi til fylkesmennene. I område som i forvaltningsplanen er definert som yngleområde for rovilt skal terskelen for skadefelling vere høg. I roviltprioriterteområde skal beitenæringa tilpasse drifta til at det skal vere rovilt i området.

Etter naturmangfaldlova § 7 skal prinsippa i §§ 8-12 leggast til grunn som retningslinjer ved offentlegmyndigheitsutøving. Offentlege vedtak som kan påverke naturmangfaldet



skal så langt det er rimeleg vere tufta på vitskapleg kunnskap om artar sin bestandssituasjon samt effekt av påverknad, jf. § 8. Det nasjonale bestandsmålet for jerv er i rovviltforskrifta § 3 fastsett til 39 årlege ynglingar. Bestandsmålet er vidare fordelt på fem av åtte forvaltningsregionar for rovvilt, jf. rovviltforskrifta § 4. I rovviltregion 6 er det mål om 10 årlege ynglingar. Dei fylkesvise bestandsmåla går fram av forvaltningsplanen, og er i Møre og Romsdal på 3 tre årlege ynglingar. Alle ynglingar skal telje med i vurderinga av om bestandsmåla er oppnådd, uavhengig av om dei er innanfor eller utanfor forvaltningsområdet. Målsettinga er likevel å oppnå bestandsmåla innanfor forvaltningsområdet for jerv i Sunndalsfjella og Reinheimen.

Rovbase viser at det hittil i år er påvist 14 ynglingar av jerv i region 6. Fem av ynglingane er registrerte i Møre og Romsdal, tre innanfor definert yngleområde for jerv og to utafor. Bestandsmålet for både rovviltregionen og fylket er nådd. Da vedtaket ikkje inneber felling, blir det ikkje gjort nærare vurderingar etter naturmangfaldlova.

Skadefelling er eit verkemiddel for å avhjelpe akutte skadesituasjonar som kan oppstå, og skal berre setjast i verk om det ikkje finst anna tilfredsstillande løysing. Løyve for skadefelling skal rettast mot bestemte individ, er knytt til bestemte skadesituasjonar, og skal avgrensast i tid og rom. Skadefelling kan og skal ikkje nyttast som eit bestandsregulerande tiltak.

Det følgjer av rovviltforskrifta § 9, at statsforvaltaren skal vurdere den konkrete situasjonen opp mot følgjande fire kriterium; området sin verdi som beitemark, omfang og utvikling avskadane, potensialet for framtidige skader, og moglegheiter for å gjennomføre førebyggjande tiltak. I brev av 9. juli 2014 har klima- og miljøministeren gjeve nærare føringar for vurdering av vilkår for skadefelling, og omgrepet skadepotensiale.

Utmarksbeitet har stor verdi for beitelaget. Jerveskadane i år har skjedd i eit beiteområde med årvisse tap av sau til jerv. I år vart fyste antatt sikre jervedrepte sau i beiteområder funnet 07.07.21. Siste antatt sikre tap til jerv i området er registrert med funnet dato 28.07.21. Statsforvaltaren har fått melding frå kommunen om funn av nye kadaver 04.08.21, desse er enda ikkje lagt inn i Rovbase med vurdering av SNO. Totalt i år, er det registrert 5 kadaver som er antatt sikker tatt av jerv i beiteområdet. 02.08.21 vart det felt ei jervetispe i beiteområdet i Steindalen i Fjord kommune. Beiteområda grenser mot kvarandre og statsforvaltaren har vurdert det som sannsynleg at same jerven kan ha stått for ein del av skadane i begge skadeområda.

For at vi skal sette i gang nye fellingsforsøk, må det vare gode bevis for at det er ein ny, pågåande situasjon med stort skadepotensiale. Det er framleis potensiale for ytterlegare jerveskader utover i beitesesongen, men det er ikkje registrert inn nye kadaver, kontrollert av SNO, i rovbaser. Det er meldt om nye lammekadaver i området. Desse er ikkje registrert i rovbaser eller bekrefte tatt av jerv per dags dato.

Sonefordelinga mellom jerveprioriterte og beiteprioriterte område skal forvaltest tydeleg, og det skal vere ein høg terskel for å gje skadefellingsløyve i jerveprioriterte område. Det



aktuelle beiteområdet ligg innfor jerveprioritert område, der ein skal prioritere å setje innførebyggande tiltak. Det er godt tilsyn i området. Vilkår i rovviltforskrifta § 9 for å gje skadefellingsløyve er ikkje til stades.

Vi oppfordrar til tett oppfølging av situasjonen og at innmelding av eventuelle skader og/eller kadaver får prioritet. Vi oppfordrar vidare til at tilsynet følger opp fargekoda søyerfor å fange opp eventuelt manglande lam, slik at ein får god oversikt over eventuelle tap.

Vedtak

Ut frå vurderingane ovanfor og med heimel i naturmangfaldlova § 18 første ledd b) og § 77;jf. §§ 1, 3, 9 og 13 i rovviltforskrifta av 18.03. 2005, avslår statsforvaltaren søknaden frå Rauma kommune om fellingsløyve på skadegjerande jerv.

Klage

Dette vedtaket kan påklagast innan 3 veker etter at melding om vedtaket er motteke eller gjort tilgjengeleg i Miljøvedtaksregisteret; jf. forvaltningslova kap. IV, §§ 28 og 29. Ei eventuell klage bør grunngivast og skal stilast til Miljødirektoratet, Postboks 5672 Sluppen, 7485 Trondheim, men sendast til Fylkesmannen i Møre og Romsdal, Postboks 2520, 6404 Molde.

Alle vedtak som gjeld felling av freda rovvilt blir gjort tilgjengeleg på www.miljovedtak.no. Ein kvar kan fortløpande følgje med på vedtak som gjeld felling av freda rovvilt, ved å abonnere på vedtaka (e-postvarsling).

Med helsing

Ulf Lucasen (e.f.)
Ass. miljøverndirektør

Andreas Sandnes Granli
rådgivar

Dokumentet er elektronisk godkjent

Kopi til:

ULVÅDALEN SAUSANKELAG SA	Postboks 19	6301	ÅNDALSNES
SNO v/MILJØDIREKTORATET	Postboks 5672 Torgarden	7485	TRONDHEIM
STATSFORVALTEREN I TRØNDELAG	Postboks 2600	7734	STEINKJER